


Ibuku rĩa Ngai kũrĩ ciana
nĩrĩrakũrehera

Petero na Hinya
wa Mahooya



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani


Rũtungĩtwo nĩ: Bible for Children
www.M1914.org

©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Mūtũmwo Petero
athiaga kũndũ
guothe kũhunja
ũhoro wa Jesũ.



Mũthenya ũmwe itũũrainĩ
rĩa Lida, agĩcemanina na
mũndũ waarĩ gĩtandainĩ,
onjeete, mĩaka ĩnaana.
Petero akĩmwĩra, "Jesũ
Kristũ nĩakũhoneetie.

Ũkĩra wooe gĩtanda
gĩaku." Mũndũ ũcio
agĩũkĩra o rĩmwe. Andũ
aria moonire ũguo
magĩcokerera

Mwathani.



Andũ a itũũra rĩa hau hakuĩ
rĩa Jopa maarĩ na kĩaha.
Mũtunia Mũkristiano wetagwo
Dorokasi nĩakuĩte. Marĩ na
kĩaha araata aake makĩharĩria
mwĩrĩ wake nĩũndũ wa mathiko,
makĩũtwara nyũmba ya igũrũ kũrĩa
macakayaga.



No araata a Dorokasi
makĩigua atĩ Petero
nĩacereete kũu.

Magĩĩta Petero ooke
Jopa o rĩmwe. Rĩrĩa
athiire kanyũmba kau ka
igũrũ, atumia a ndigwa
makĩmuonia nguo iria
Dorokasi athondekete.
Andũ othe nĩmarĩraga.



No Petero akĩmaingata
othe, agĩturia ndu na
akĩhooya. Akĩrora
kĩimba na akiuga,
"Dorokasi, arahũka."
Dorokasi akĩhingũra
maitho maake, na rĩrĩa
oonire Petero agĩũkĩra.






Akĩmũne guoko
gwake na akĩmuoya;
arĩkia gwĩta atheru
(Akristiano) na
atumia a ndigwa,
akĩmuonania e
muoyo. Ũhoro ũcio
ũkĩmenyeka Jopa
guothe, na andũ aingĩ
magĩĩtĩkia Mwathani.



Petero agĩikara kahinda kanene Jopa,
nyũmba yaarĩ hakuĩ na iria. Mũthenya ũmwe
Petero agĩthĩ nyũmba igũrũ kũhooya.



Korwo nĩarorire
mwena ũcio ũngĩ wa
thingo cia itũũra,
nĩangĩonire agendi
atatũ makĩmwetha.



Andũ aya maarĩ ndungata cia mũthigari wa Roma
wetagwo Korinelio, waarĩ mũhooi Ngai. Korinelio
atũmire ndungata ciake igeethe Petero nĩũndũ

mũraika
nĩamwĩrĩite
kũgerera
kĩoneki,

"Tũmanira Petero.
Aikarĩite kwa
Simoni, mũtanduki
wa njũũa, nyũmba
yake ĩrĩ hakuhĩ na
iria. Nĩagakwĩra
ũrĩa ũgwĩka."



Rĩrĩa Petero ahoyaga arĩ nyũmba igũrũ, Ngai
akĩmũtũmĩra kĩoneki. Kĩonekaga ta gĩtaama kĩnene
gĩgĩikũrũka thĩ. Gĩtaamainĩ kũ kĩarĩ na nyamũ na


nyoni. Petero nĩonaga
atĩ ici cĩarĩ na "thaahu."

Kuuga atĩ
Ayahudi
a dini

matietĩkĩrĩtio
gũcirĩa. O

rĩmwe mũgambo
ũkĩmũũkĩra.


"Arahũka Petero,
ũraga na ũrĩe."




Petero akĩĩra Ngai, "Ti
ũguo, Mwathani! Tond
ndirĩ ndaarĩa kĩndũ gĩtarĩ
kĩamũre kana kĩrĩ thaahu."
Mũgambo ũkimwariria rĩa
keerĩ. "Kĩrĩa Ngai
atheretie ndũgagĩite
kĩũru." Ũndũ ũyũ
ũgicokerũo maita
matatũ. Thuutha nĩguo
gĩtaama kũu kĩoirũo
naigũrũ gĩgĩcokio
matuinĩ rĩngĩ.




Petero ndataũkirwo ũrĩa
kĩoneki kũ kĩaugaga. Rĩrĩa
eeciragia ũhoru ũcio, Ngai
akĩmwĩra atĩ andũ atatũ
nĩmamwethaga na
agĩrĩirwo gũthĩ nao.



Rĩrĩa andũ acio atatũ meerire Petero
atĩ mũraika mũtheru nĩerĩite Korinelio
mamũite, Petero akĩmenya atĩ Ngai
nĩamũtongoragia. Mũthenya ũcio
ũngĩ we na araata aake
atandatũ magĩthĩĩ
mũcĩĩ kwa Korinelio.





Nogũkorwo rĩrĩa athiaga
kwa mũndũ ũyũ ũtaarĩ
Mũyahudi, Petero
akĩambĩrĩria gũtaũkwo atĩ
Ngai nĩendeete andũ othe -
atĩ Ngai endaga ndũũrĩrĩ
ciothe imenye Jesũ nĩ
Mũhonokia wa thĩ. Rĩrĩa
Petero akinyire, Korinelio
akĩgũa thĩ agĩthathaiya
mbere yake.



Petero akĩira Korinelio, "Rũũgama. Nĩ ndĩ mũndũ ta we." Agĩcooka akĩira andũ othe arĩa maarĩ nyũmba, "Nĩmũũĩ ũrĩa arĩ mũgarũ na watho Mũyahudi gũtwarana kana gũthĩ mucĩ wa andũ a ndũũrĩrĩ."




"No Ngai nĩanyoneetie atĩ ndĩagĩrĩrwo gwĩta
mũndũ atĩ ti mwamũre kana arĩ na thaahu."



Petero akĩĩra andũ aya a ndũũrĩrĩ (arĩa mataarĩ
Ayahudi) atĩ Jesũ nĩ Mũru wa Ngai ũrĩa wakwire
mũtharabainĩ na akĩriũka rĩngĩ agĩtwĩka Mũhonokia
wa thĩ. Roho Mũtheru akĩmaiyũra na makĩambĩrĩria
kũgooca Ngai. Araata atandatũ a Petero Ayahudi
makĩmaka. Kwarĩ ta mũthenya wa Bendegothito.
Kĩheeo kĩa Roho Mũtheru gĩkĩheanwo kũrĩ nginya
andũ a Ndũũrĩrĩ.



Petero nake akĩbatithia eetĩkia
aya eerũ thĩinĩ wa Jesũ.



Kũu Jerusalemu, Akristiano makĩnegenia Petero
nĩũndũ wa gũceerera andũ a Ndũũrĩrĩ. Nake Petero
akĩmeera ũhoru wa kĩoneki we na Korinelio maheetwo
mahooyainĩ. Rĩrĩa maigwire maũndũ macio,
Akristiano a Jerusalemu magĩkira. Na makĩgooca
Ngai, ũrĩa, kũgerera mahooya, onanĩtie atĩ wendo
wa Ngai nĩ wa andũ othe.



Petero na Hinya wa Mahooya

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Atũmwo 9-12

"Ciugo Ciaku ciatarĩrio nĩrehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

